



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 10. Castrum Alcazar in Portugallia expugnatur.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

**Sæcul. XIII.** *pedire credidissimus. Quia autem illa*  
**A.C. 1217.** *copiæ Duce carere dicuntur, nec Fratres*  
*nostri Cardinales, nec alii nobis susse-*  
*runt, hoc tempore in Siciliam trajicere,*  
*ne si eventus Christianorum spei non re-*  
*spondeat, plerique de totius belli successu*  
*desperandum esse putent. Nostram ergo*  
*supplebis absentiam, eo opportunius, quod*  
*ipse edito sacræ militiæ voto teneat.*  
 Tum Papa Legato præcipit, ut adjecta  
 excommunicationis pœna prohibeat, ne  
 quis Christianorum ad invisendum sa-  
 crum Sepulchrum commeat, sicque Fi-  
 delium pie peregrinantium expensis Sa-  
 racenorum opes augeantur.

## §. X.

*Castrum Alcazar in Portugallia*  
*expugnatur.*

**Godef. an.**  
**1217.**

In alia Orbis parte Guilielmus Comes  
 Hollandiæ, Georgius Comes Owitz  
 pluresque alii Cruce signati Germani,  
 conscensis in Mosa amne navigiis, die vi-  
 gesima nona Maji, postquam in Angliam  
 & deinde in Britanniam minorem appu-  
 lissent, tandem in quemdam Hispaniæ  
 & Regni Legionis portum invecti, inde  
 relictis ibi triremibus, ad S. Jacobum  
 peregrinati sunt. Tum rursus itinere  
 maritimo Ulissiponem pervenerunt, ubi  
 aliquamdiu commorantes, naves aliorum  
 socio-

lociorum, ut condixerant, expectarunt. Sæcul. XIII.  
A.C. 1217.  
 Illo igitur temporis intervallo, Suero Episcopus Ulissiponensis, Episcopus Eboracensis, Martinus Ordinis S. Jacobi de Palmela Eques Beneficiarius, Templarii, Hospitalarii, aliique viri Nobiles Lusitanæ, lamentabili oratione exposuerunt, quanta trepidatione nunquam non bellum a Saracenis vel paterentur vel timerent, maxime ab illis, qui arcem proximam vulgo *Alcazar* postquam inde Equites S. Jacobi seu *de Gladio* dictos expulissent, insiderent, ac singulis annis centum Christiana mancipia, Regi Marochii dono mittenda, extorquerent. Quare Cruce signatos milites vehementissime rogabant, ut se a tam vicini hostis insultibus liberarent. Comites, ad capiendum consilium coeuntes, pensarunt, illa intemperie iter maritimum sibi intercludi, ac etiam suam in Palæstina præsentiam tunc Fidelibus parum profuturam, cum Rex Romanorum, aliique complures Germaniæ Principes, eam protectionem necdum exorsi essent. Ergo potius in Lusitania contra Infideles pugnare, quam omnino cessare, & *Alcazar* arcem obsidere statuunt. Non omnibus tamen istud propositum placuit, ac minime Frisonibus, qui post S. Jacobi Festum cum octoginta fœne navigiis recesserunt.

Hh 2

Die

Sæcul. XIII.  
A.C. 1217.

\* Badajoz.

Crucigeri in  
Lusitania.

Die trigesima Julii ad Arcem *Aleazar* admotus est Christianorum exercitus, ac elapso quadriduo Episcopi Ulissiponensis, & Eboranus, Equites S. Jacobi, aliique Lusitaniæ proceres cum selectis copiis advenerunt. At altera post Festum Nativitatis Beatæ Virginis die, nempe nona Septembris adsunt Reges Saracenorum quatuor, videlicet Rex Hispanensis, Rex Cordubæ, Rex Gienni, & Rex Pacis \* Augustæ, arcem liberaturi, quos biduo vix expleto Christiani, etsi numero impares, prælio vicerunt. Reges duo, Cordubensis & Giennensis cum quatuordecim millibus Saracenorum caesi, captorum multitudo innumerabilis fuit. Tandem circa Festum S. Ursulæ, quod in diem vigesimam primam Octobris incidit, præsidarii arcem dederunt, nulla addita conditione Victoris arbitrio se permittentes. Cives omnes venundati sunt. Tum munimentis Equitibus de *Gladio* traditis, sacri milites ad Festum Omnium Sanctorum Ulissiponem, hyemem transacturi, redierunt.

Reg. Hon. II  
ep. 817.  
Rain. n. 32.

Hujus victoriæ nuncium Summo Pontifici allatum est per Epistolam, nomine duorum Episcoporum Ulissiponensis & Eborani, Magistri Templariorum in Hispania, Magistri Hospitalariorum in Portugallia, & Beneficarii S. Jacobi de Palmela, scriptam. In ea postquam  
inc.

Sæcul. XIII.  
A.C 1217.

inexpectatum Cruce signatorum Germa-  
 norum Ulissiponem adventum, & obli-  
 tionem Arcis retulerunt, dicunt, non  
 nulla prodigia pugnam celebrasse, jam-  
 que Saracenos captos quarere, in qua  
 exercitus parte steterunt illi equites, al-  
 bis vestibus splendidi, qui ipsos telorum  
 grandine excœcatos in fugam vertissent.  
 Tum subjungunt Præsules: *Ad pedes San-  
 ctitatis tuæ provoluti petimus, ut juben-  
 te tua Clementia exercitus Christiano-  
 rum peregrinantium ad cultum perfidiæ  
 Paganorum ex tota Hispania penitus ex-  
 tirpandum nobiscum per annum rema-  
 neat, & tam ipsi quam nostrates Cruce  
 signati illa gaudeant Indulgentia, quam  
 acquirerent, si in Terram sanctam perve-  
 nirent. Petimus etiam, ut Peregrinis,  
 quos vel infirmitas vel paupertas in Ter-  
 ram sanctam transmittere vetat, ex no-  
 stra regione ad sua redire per te liceat,  
 salvo Indulgentiæ lucro. Simul Guiliel-  
 mus Comes Hollandiæ utpote totius  
 exercitus Cruce signatorum Dux ad Pa-  
 pam dedit Epistolam, in qua dicit, quod,  
 Castro Alcazar capto, Dominus loci  
 cum centum aliis Baptismo ablatus fue-  
 rit, & addit: *Spero hunc virum magnam  
 Hispaniæ partem, Saracenis subjectam,  
 ad Fidem Christi conversurum esse. Il-  
 lud quoque ad Sanctitatis tuæ aures de-  
 latum fuisse non dubito, quod Rex Legio-  
 nis**

ep. 818.

H h 3

nis

Sæcul. XIII. *nis & Galaciæ, Rex Navarra, multi E-*  
A.C. 1217. *piscopi & multi ex tota Hispania Opti-*  
*mates, nostro adventu excitati, Cruces*  
*ad militandum contra hujus Regionis Sa-*  
*racenos acceperint, & inducias diu an-*  
*te cum eis initas fregerint. Hi preces*  
*suas ceterorum votis junxerunt, ut pro-*  
*xima æstate in Hispania commorantes,*  
*in eorum societate Deo contra Infideles*  
*serviremus. In his autem omnibus, san-*  
*ctissime Pater, mandatis tuis, tanquam fi-*  
*lius obedientiæ, promptissime obsequar.*

ep. 820.

Honorius Papa, dato responso, im-  
 mensas Deo gratias & laudes pro repot-  
 tata victoria agebat, adjiciens: Porro  
 cum Terræ sanctæ auxilia quacun-  
 que de-  
 mum ex causa impediri non velimus,  
 petitionem vestram, qua rogastis, ut Cru-  
 ce signatos, qui ob corporum infirmita-  
 tem aut rerum inopiam ad Terram sanctam  
 tendere non valerent, ad sua reme-  
 re juberemus, concessa eis plenaria pec-  
 catorum suorum indulgentia, non duxi-  
 mus admittendam, ne contra vos ipsos  
 forte iram Domini provocetis, qui, sicut  
 credimus, merito devotionis, qua ad Ter-  
 ram sanctam Cruce signati addicti sunt,  
 Victoriâ de Saracenis in Lusitania con-  
 tulit. Dum autem eos in partibus ve-  
 stris morari contigerit, eis plenam pec-  
 catorum veniam indulgemus, ac si ultra  
 mare in propugnatione Terræ sanctæ me-  
 reveren-

reverentur. Hæc Epistola die duodecima <sup>Sæcul. XIII.</sup>  
 Januarii anni sequentis millesimi du- A.C. 1217.  
 centesimi decimi octavi data est.

§. XI.

*Terræ sanctæ facies.*

Inter hæc redditur Pontifici Magistri  
 Templariorum Epistola, qua Terræ  
 sanctæ faciem docebatur, in hunc fer-  
 me modum: *Paulo ante quam Epistola*  
*huius lator hinc abiret, innumerabilis*  
*Cruce signatorum multitudo, Equites,*  
*Gregarii que ex Germaniæ Imperio &*  
*aliis provinciis in portum Acriensem in-*  
*vesti sunt. Ceterum Sepbedinus, magnus*  
*Babyloniæ Soldanus, adventum Regis*  
*Hungariæ, & Ducum Austriæ atque Mo-*  
*raviæ, pertimescebat. Metum augebat*  
*Frisonum classis, quæ propediem ad futu-*  
*ra dicebatur, jamque Coradinus ejus fi-*  
*lius cum copiis finibus nostris imminebat.*  
*Non meminimus, multis abhinc annis In-*  
*fidelium vires, magis ac hodie sunt, fuis-*  
*se accisas. Sed apud nos quoque annonæ*  
*carissimo est pretio, parum admodum fru-*  
*menti in horrea invehi potuit, & valde*  
*modicum peregrinæ naves attulerunt.*  
*Deficiunt equi, nec parata pecunia emi*  
*possunt. Quare Cruce signatis suadeas,*  
*ut alimenta copiose, & equos, quotquot*  
*possunt, navigiis imponant. Cum Rex*  
*Hungariæ necdum advenisset, statuere-*  
 H h 4 mus,